

دارالفتون

کتابخانه دارالفتون

فلسفہ ، اجتماعیات ، تاریخ ، جغرافیاء ، ادبیات

ایکی آبدہ بہ نشر اولنور

مندرجات :


- تورک ایل - اسکی تورکلر دین [ضیا کوک آلپ]
- انسانلرک احوال روحیہ لری آواسنده کی فردی فرقلر حقندہ تدقیقات [دوکتور غ. آشوتس]
- « هانری برغسون » و « آرتور شوپنهاوثر » [غونتر یاقوبی]
- الجزیرہ ده جبل سنجارک جنوبندہ کی اوواده واقع مملحہ لره دائر
- ملاحظات جغرافیہ [دوکتور اونغر]

زمرہ فسی

- فلسفہ ده مصداق [پول ژانہ] [احمد نعیم]
- کتابیات تحلیللری

استانبول - مطبعہ عامرہ

۱۳۳۳



کتابیات تحلیلمری

تاریخ فلسفه : مؤانی : آبه بارب؛ مترجمی: بخوراسرائیل . -- مطبعه عامره ۱۳۳۱

أثر اطلاق ایدلمسی بیله جائز اولیان برایکی کتاب استنا ایدیلیرسه لسانمزه نقل ایدلمش ایلک تاریخ فلسفه کتابیدر . رضا توفیق بك افندی کتابه یازدیغی مقدمه نك برایکی نقطه سنده اثرک اصلنی « غایت عالمانه » اولمق اوزره توصیف ایتمه مش اولسه لر ایدی کتابك تعقیب ایتدیکی اصول وأساس اعتباریله ، بیوک برقیمتی اولمادیغنی سویلمکده تردد ایتیه جكدك . چونکه تاریخ فلسفه ده اصول نقطه نظرندن باشلیجه شوایکی مزیت آرانیر : (۱) هر فیلسوفه فکر اعتباریله یاپدیغی انقلاب ، وکندندن صوکره دوام ایدن اعصار اوزرنده اجرا ایلدیکی تأثیر ایله متناسب برموقع ویرمك ؛ (۲) فیلسوفلرك مسلكلرینی یكدیگرینه غیر مربوط ، پریشان برطرزده دكل ، مشترك وقابل تألیف نقطه لری موجود اولدیغنی ارأه ایلیه بیله جك وجهله تحریر وترتیب ایتمك ... بزبوکتابده بوایکی مزیتی ده کوره مدك . صوك زمانلرده « هه کال » ك نظریاتیه جانلانان وهر حالده بك اصلی دوشونجهیه صاحب بولندیغی محقق اولان « هراقلیتس » کبی یونان قدیمك اك بیوک سیالرنندن برینك افکار ونظریه سنی « اکلایشیلاماشدر » قیدیه برایکی سطر ایچنه صیقیشدیرمق مؤلفك وقوفنی یاخود بی طرفلغنی اثبات ایده جك آثاردن دکلدر ، ظن ایدرم . کتاب ، هیئت عمومیه سیله ، مختلف عصرلره عائد بیوک فیلسوفلرك افکاری آره سنده کی ارتباطی دكل ، حتی بر فیلسوفك فکر لری آره سنده کی وحدتی ده کوستره مه مشدر . بر فلسفه مورخنك قدرتی اك زیاده فیلسوفلری تقدیرده ، اونلرك اك یوکسك ، اك اصلی افکارینی بولا بیلیمکده ، قارئلره کوستره بیلیمکده تجلی ایدر . بر فیلسوفك اك یوکسك فکری کوسترلمدکجه آنی طانمق قابل اولاماز . بزبو اثرک محررنده بو قدرتی بولامادق ... هله صوك عصرک افکار فلسفیه سی کتابده هیچ یر بولمامشدر دیسه م ، ظن ایدرم ، آز مبالغه ایتمش اولورم .

بونقصانلر کتابك حجمه اسناد اولنه ماز . بر فلسفه مورخی فلسفه یازمق اصولنی

بیلیور؛ فیلسوفلرک یوکسک افکارینی تقدیر ایدیه بیله جک مزیتی حائز بولنیورسه اک اوفق برکتابده، اک اوفق بر مقاله دهده بوقوتنی پک کوزل کوستره بیلیور.

مترجم، کتابک سلطانی مکتبلرینه مخصوص اولدیغنی تصریح ایلشدر. اکر حقیقه سلطانی مکتبلرینک پروغرامنده تاریخ فلسفه بولونمش و حالاً بو اثر اوقوتدیرلمش اولسه ایدی تنقیدآمزی بشقه بر نقطه نظر دن یا پاچق، سلطانیلرده تدریسی لازم فلسفه تاریخنک اثر مؤلفنک قبول ایتدیکی طرزده اوقودلمسنه طرفدار اولمادیغمزی سویلیه جکدک. مع مافیله ترجمه و تألیف کلیاتنه داخل اولان بو اثرک باشنه بویله بر قید قونلمی سلطانیلرک فلسفه پروغراملرینه فلسفه تاریخنک ادخالی امیدینی ویریورکه بوندن دولایی ممنون اولمقدن کندیغمزی آلامایز.

بو تنقیدات اثرک اصلی «عالمانه» تلمی ایدیه مدیکمز ایچوندر. یوقسه لسانمز بوکی آثارده محتاجدر.

کتابخانه عرفانی پک بوش اولان مملکتمز ایچون بوکی کتابلرک ترجمه سی البته شایان اهمیت و تشکر بر خدمت تشکیل ایدر.

ذاتاً اثر لسانمزه پک ای نقل ایدلمش عد اولنه بیلیور. واقعا اوتهدنبری منطقجیلرک «فصل» ایله افاده ایتدکلری «Différence» کلمه سنی بلا سبب «فرق» ایله ترجمه ایتک کی اصطلاحه؛ «سقراط حکامک بیانقو اصولیله انتخاب ایدلمسنه شدتله معترض ایدی» جمله سنده اولدیغنی کی لسانه عاقد اوفق تفک نقصانلردن آزاده صایلامازسهده بویله بر اثری هرکسک آکلایه بیله جکی بر لسانه و بوقدر آز نقصانلرله ترجمه یه موفق اولمق البته مترجمک اقتدارینه دلالت ایدر.

محمد امین